



Inatsisartunut ilaasortaq Lars Poulsen, Siumut
Inatsisartut@inatsisartut.gl

**Tasiilami, Ittoqqortoormiini Qaanaamilu immap naqqatigut kabeliliorinissaq
pillugu § 37 naapertorlugu apeqquteqaammut 2025-018-imut akissut**

Dato: 15-05-2025
Sagsnr.: 2025 - 9983
ID. nr.: 97642641

Asasara Lars Poulsen

Inatsisartut suleriaasianni § 37 naapertorlugu Tasiilami, Ittoqqortoormiini Qaanaamilu immap naqqatigut kabeliliorinissaq pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqqut 1. Tasiilami Ittoqqortoormiini Qaanaamilu immap naqqatigut kabilimik
siaarsinikkut attaveqaasiortoqarnissaa Naalakkersuisut pilersaarutigaat?**

Akissut: Tusass A/S nunatsinni najugaqarfiit akornanni aamma nunanut allanut taakkunangaanniillu nalunaarasuartaatitigut attaveqaatinut akuersissummik peqarpoq. Tassalu Tusass A/S teknologiimut tunngasunik toqqaanermi aalajangiisuusarpoq, Naalakkersuisut pinnatik. Taamaattumik Naalakkersuisut teknologiimut aqqiissutissanik aalajangersimasunik pilersitsinissamut pilersaarusiorneq ajorput. Taamaattorli Naalakkersuisut kiffartuussinerup qaffasissusissaanut piumasaqaateqarsinnaapput.

Tusass A/S ilisimatitsivoq, Tusass A/S maannarpiaq Tasiilamut, Ittoqqortoormiinit Qaanaamulluunniit immap naqqatigut kabilimik pilersitsinissamik pilersaaruteqanngitsoq.

Apeqqut 2. Pilersaaruteqartoqarsimappat tamanna qanoq naleqassava?

Akissut: Apeqqut 1-imut akissummi oqaatigineqartutut pilersaarummik taamaattumik suliaqartoqarsimanngilaq. Tusass A/S apeqquummik saqqummiussivigineqarnermini, Tusass A/S-ip § 37 naapertorlugu apeqquteqaammut 2024-037-mut akissuteqaammut tapiliussaa innersuussutigaa. Akissummi tassani Tusass A/S naliliivoq, Tasiilap aamma Islandip akornanni immap naqqatigut kabelimut sanaartornissaq missiliorlugu 540 mio. koruuninik naleqassasoq.

Tusass A/S akissuteqaammut matumunnga tunngatillugu ilisimatitsivoq, "Ittoqqortoormiinit Qaanaamulluunniit tunngatillugu missiliuinernik assingusunik suliaqartoqarsimanngilaq. Taakkununga pilersitsinissaq immap naqqatigut kabelip apuuffiinit qaninnerusuniit isorartussuseq peqqutaalluni akisunerungaatsiartussaavoq."

Aammattaaq § 37 naapertorlugu apeqquteqaammut 2024-037-mut akissut takuuk.

Apeqquut 3. Illoqarfiit pineqartuni pingaarnersiuinermi sorleq siulliunneqassava?

Akissut: Pilersitsisoqassappat Tusass A/S pineqartumut tulleriiarisussaavoq. Tusass A/S ilisimatitsivoq, tulleriiagassanut tulleriiarisoqarsimanngitsoq, Tasiilaq, Ittoqqortoormiit imaluunniit Qaanaaq pillugit pilersaarusiortoqarsimanngimmat.

Apeqquut 4. Immap naqqatigut kabilimik attaveqaasiortoqassanngippat suut allat periarfissat takorloorneqarpat?

Akissut: Apeqquteqaat Tusass A/S-imut saqqummiunneqarpoq, tassanngaanniillu imatut ilisimatitsisoqarpoq:

"Tusass-ip 2025 – 2028-mut periusissiornermut pilersaarusiaanut Low Earth Orbit-imik (LEO) taagorneqartut, soorlu Starlink aamma OneWeb aqqutigalugit qaammataasatigut attaveqarfiusuni pitsanngorsaanissaq ilanngunneqarpoq. LEO aqqutigalugu sullissisunut suli isumaqatigiissuteqartoqanngilaq, kisiannili isumaqatiginninniarnert ingerlanneqarput."

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Aqqaluaq B. Egede



Harald Bianco
Inatsisartunut ilaasortaq
Inuit Ataqatigiit

**Tasiilamut immap naqqatigut kabeli pillugu § 37 naapertorlugu
apeqquteqaammut 2024-037-mut akissut**

19-02-2024
Sullap normua.: 2024 - 3783
ID. nr. 91014990

Asasara Harald Bianco

Inatsisartut suleriaasianni § 37 naapertorlugu Tasiilamut immap naqqatigut kabeli pillugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

**Apeqquut 1. Tasiilap Islandillu akornanni Tusass.-i immap naqqani
mississuinissamik pilersaaruteqarneris Naalakkersuisut ilisimasaqarpat?**

Akissut: Tasiilap Islandillu akornanni Tusass immap naqqanik misissuinissaminik pilersaaruteqarneris Naalakkersuisut ilisimanngilaat.

Tusass immersueqataanissaanik noqqaaffigineqarami ima paasissutissiivoq:

"Tasiilap Islandillu akornanni immap naqqatigut kabeliliinissaq pillugu immap naqqanik misissuinissaminik Tusass massakkut pilersaaruteqanngilaq.

Immap naqqanik misissuisoqarsinnaatinnagu, Tasiilamut isumannaatsumik immap naqqatigut kabeliliisoqarsinnaanersooq paasiumallugu aallamiutaasumik assigiinngitsutigut misissuinerit ingerlanneqaqqaartariaqassapput.

Tasiilap eqqaani sineriak kiisalu sikoqangaatsiarneratigut, iluliaqangaatsiarneratigullu tamanna immap naqqatigut kabeliliiffissatut nalorninarqarpoq, taamaattumillu tulluuttut ingerlanneqartariaqarlutik:

- Sumiiffimmi sikup ingerlaartarneranik, sarfartarneranillu misissuineq
- Immap naqqatigut kabelip imaanit nunakkoortinneqarnissaanut sumiiffinnik periarfissaasunik nunami imaanilu misissuineq, tassani isumannaatsumik itissuseqarnissaa qulakkeerumallugu qillerisoqartariaqassamat kiisalu
- Immap naqqatigut kabelip ingerlaarfissaanik naleqquttumik nassaarnissaq siunertarlugu misissuineq,

Siuliani taaneqarlutik misissugassat kiisalu immap naqqanik misissuinissap neqeroortitsissutigineqarnissaa ukiumi siullermi ingerlanneqarsinnaassapput, umiarsuillu misissuutit atorsinnaappata

immap naqqanik misissuinerit ukiup aappassaani
ingerlanneqarsinnaassallutik.

Misissuinissat, takusaanissallu kiisalu immap naqqanik misissuinissaq 59
millioner dk koruuninik akeqassasoq missiliorneqarpoq."

Apeqqu 2. Islandimiit Tasiilamut immap naqqatigut kabeliisooqassagalarpat qanoq akeqassangatinneqarpa?

Akissut: Apeqqu Tusass-imut saqqummiunneqarpoq, imalu akivoq.

"Apeqqutip akisinaanissaa siunertaralugu imaani itissutsinik
eqqoriaakannerluni naliliinerit kiisalu Tasiilap eqqaani sumiiffinnik
assinganik eqqoriaakannerluni naliliinerit tunuliaqutaralugit, Tasiilap
Islandillu akornanni immap naqqatigut kabeliisooqassappat Kalaallit
Nunaanni immap naqqatigut kabelip qajannaallisakkap assinganik
kabeliisooqartariaqarpassippoq.

Immap naqqani kabelimut isumannaatsuutitsinissaq eqqarsaatigalugu
sapinngisamik immap naqqatigut kabeli itinerpaatigoortinneqassammat
Tasiilap, Islandillu akornanni immap naqqatigut kabeli 1.250 km-it
missaannik takissuseqassaaq.

Siku, ilulissallu tunuliaqutaralugit siusingaatsiartumik matumani
nalilerneqarpoq, immap naqqatigut kabelip Tasiilap eqqaani imaanit
nunakkoortinneqarnissaani isumannaatsuutitsinissaq eqqarsaatigalugu
minnerpaamik 1.200 meterit tikillugit qillerisoqartariaqassasoq.

Tasiilamut Islandimut immap naqqatigut kabeliisooqarnissaa
eqqoriaakannerluni missiliorlugu ima akeqassaaq: DK 540 millioner
koruunit.

2016-imi assingusumik apeqqu Tusass-ip akinikuuaa, Tasiilamiillu
Islandimut immap naqqatigut kabeliisinnissamut aningaasartuutissatut
taamaanikkut DK 380 millioner koruunit missiliorneqarlutik.

2016-imi missiliuutigineqartut 2024-mi DK 160 millioner koruuninut
qaffannerinut pingaarnertut patsisaasut tassaapput

- Atortussat akitsorsimaneri (pingaartumik sisak), tassani Covid-
imik ajornartoornerup kingunerit patsisaallutik akigititat 2021-mi
marloriaatinngormata, taamaattoq 2022-mi appariallutik
Ukrainimi sorsunnerup kingunerisa malunniunnerisigut akigititat
10 -15 %-imik qaffaqqinnikuullutik.
- Paasissutissaasiviit (datacenterit) akornanni systeminik
piginnaasaqarluartunik Google, META aamma Microsoft
ujartuipput, tamannalu nioqqutissiorsinnaanermut, pingaartumilli
immap naqqatigut kabeliisinnallutik umiarsuarnut, ukiut
ingerlanerini amerliartorsimanngitsunut sunniuteqarluni,
umiarsuarnullu atorneqarsinnaasunut ullormut akigititanut
annertuumik qaffatsitsilluni,
- Orsussap/uuliap/ikummatissap akia 2016-imit 2023-p tungaanut

670 %-imik akitsorsimanera (2016-imi tonsimut USD 144,50
aamma Juni 2022-mi tonsimut USD 1125,50)"

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga

A handwritten signature in black ink, consisting of a stylized 'H' and 'P' followed by a long horizontal stroke.

Hans Peter Poulsen